

I GN' A-T-I CO DÈS WALATLANTLIDEUS AMON NOS ÔTES ?¹



Scultêye scaye trovêye à Han

Vos n' èstèz nén sins sawè k' lès cacheûs dins lès vî cayaus, lès rancheûs dins lès ètèrés clikotias d' l' omanité, ki sayenut d' trover lès oridjines di l' ome, ont dèdjà rigripé bèn hôt lès scayons dèl chaule di l' istwêre, l' istwêre d' l' avant-d'avant k' on euche ène istwêre. 7.000.000 di dègrés d' ans k' is ont insi rimonté po mète au djoû dèl rikètes d' oûchas dèl Toumaï, Ororin èt Lucy èt trèvautchî di l' **ome dèl âbes**, d' l' **ome sapyincieus** à l' **ome sùti-sùti** tot passant pa l' **ome astampé**. Di skètes à brokètes, d' massales à crânes èt brokètes di skines, is ont ramoncèlé dèl tchèretêyes d' kèsses èt balziné d' ène saye di rèsponse à l' ôte po s' lancî dins dèl Darwinisses odobin « on-côp-po-tot-adjancnés-pa-Dié » disbateûwes tèyorèyes. Do Tchad à l' Afganistan, do Pakistan à Spy, d' Lascau au Kenya, lès Joanson, Taïeb, Leaket, Brunet èt Picq ont po ça bèrlaudé, grètè èt fouyi patavau l' Daegne...

lène dèl dèrènès discoviète: l' 28 d' octôbe 2004, ène pougnîye di cwêreûs mwinrnés pa Peter Brown d' l' Univièrsité d' Armidale

¹ "Po fini, i l' falève bèn, k' on djoû, tot s' èsplike di li inme. L' èsprit n' a rén à vîre là ddins, dji n' a mauy ossi wêre tûzé.." (Tiri Haumont, in TOUDI 92, pådje 185)

d' Ostraliye, à New England, ont fait sawè à tibi-ôrmî (*tibi mèyi*, d' après L. Mayin, *tîbî haurnî*, d' après Grandgagnage²) k' dissus l' Indoninsîyinne île di Florès is ont trové sèt « droles » d' èskèlètes èt lès lomer « Hobbits » à l' après do *Sègneû dèl Anias* da J.R.R. Tolkien pace ki cès omes là n' d'uvîne awè k' on mète di grandeû, ène pitite pèzanteû di 25 kulos èt on cèrvia d' a pwinne 380 cintumètes cûbes, k' po comincî is lès avîne pris po dèl èfants mins k' leus dintes ont bèn mostré, à insi ièsse ûzès, k' is èstîne pus vîs k' ça. L' èwarant, c' èst k' is vikîne co avaurà i gn' a audjourdu à pwinne 15.000 ans. Po Djozé Braga, do CNRS èt maïsse di confèrînces à l' Univièrsité d' Bordeaux 1, is sèrîne dèl omes-astampés k' is s' ont rastrindu (nanifiés) pace k' is èstîne èssèrés dissus ène sitrwète îlè³ sins pont d' passaedje d' ètrandjîr dins leû vichnauve. C' èst là leû idêye. A mwins ki...

Èskèrlète trové à l' « Tombe do Djèyant »

←



Labèle. C' k' is n' savenut nén pace k' on n' a nén co wazu l' dîre à tertos, c' èst k' dèl rancheus ont trové bèn ôte tchôze, vèci, tot grètant l' tère dèl « Tombe do Djèyant »⁴.

Au plin mitan dèl novèlmint mèteuwes au djoû rwines di c' ki shène awè co stî ène cinse (*vila*) do tins dèl romins cinturyins, i gn' a on muchî cavô avou on cauzu co èfîr èskèlète. Il a d' kwè sibarer d' pus d' onk di zèls èt d' nos ôtes : lès oûchas, di c' ki nos faut bèn lomer antches, d' leûs djambes tègnenut dirèk au crâne! Atautchî pa téléphone, Îve Coppins, k' èst profèsseû au Colèdje di France, n' a nén volu s' avancî. I s' a continté d' nos dîre k' i « *lî falève ratinde d' è sawè d' pus èt k' i s' aprustève à d' aler vîre li plaèce èt s' fé s' prope idêye pa li tot seû* ». On l' a kand minme sintu ène miète strindu èt mau-contint k' on n' l' euche nén d' on randon uxhî èt l' priyî d' amwirner sès lumères adlé l' bon traou.

² in PIRSOUL, (Moti 1934 (?))

³ in "LE VIF", l^o 21, djanvî 2005, p.35

⁴ Avalêye dèl Sèmi, k' a d' pus d' ène rishènce avou l' vuwe dèl Walatlandide è l' pådje 17.

Èsse ki l' *Florèsyin* a ène sakwè à vîre avou cite discoviète ? On n's' èl dimanderéve nén si l' difèrance inte volume di cèrvia n' èstéve nin si grande⁵. Mins, c' èst vrê èto, kand on toûne à rén èt fini è cu d' pouyon èt ki Buffon avéve dès difèrintés⁶ idêyes...

Po nosse paurt, on vwèt là ddins l' preûve k' dès Walatlantideûs vinus d' au (fwârt) lon ont Bén viké, fini pa s' distinde, tot lèyant branmint d' leûs djinnes au ddins d' nos ôtes. Ptète minme k' lès « OVNIS » èt lès ptits « vètes omes » k' on nos è cauze à tanawète sèrîne co là à sayî d' lès ritrove?



Crâne èt « ritchaûrlâdje » fait avou dèl dièle pa on spècialisse dèl « D.V.I. »

Onk di nos sapyinceûs fulozofes, Djozé Soûrdant, après awè vèyu l' ritchaûrlâdje d' après l' èskèlète, s' ènonde èt nos dîre: « *Insi ki dji l' a dèdjà dî, è l' Walonîye, l' ome a stî flayî divant deus mêmèzeûres : l' ènaurmité èt l' complècsité. Maugré çoulà, i n' s' a nén spotchî. C'ki rèxhe di sès ouy, di sès djambes, c' è-st-ène pauhûlisté, ène « sèrinnité ». Ène pinsêye, probâbe, (...) èt*

⁵ Po l' "Djèyantîn" (Walatlantideus ?) l' cèrvia èst cauzu l' nonante au cint do pwès do **cwârp** !

⁶ Kand on sondje k' il a dit : "L' ome c' èst la fesse" èt k' vèci on s' ritrove à n' pus awè cauzu k' ène tièsse èt k' on a deûr po adviner l' place dès ôtes orgânes. Kwèki...

⁷ in TOUDI 1990, pådje 235.

cite pinsêye k' on crwèt î awè trové èst sipèsse di tote ène istwêre...⁸ »

Todi èsse-t-i k' nos voci a ièsse oblidjî d' fé face à Bén dès mistères k' branmint vourîne muchî à iute. Rén k' a l' idêye k' a fwace di fouyî on poréve ritchère dissus ck' a stî l' mèkanike indjole k' avéve amwîrné avaurci lès Walatlantideus, i nd' a à n' pus s' sinte. C' n' èst nén k' is sondjerîne à lès vinde è bokèts d' sovnanances come on l' fait po lès foyes dès boles di l' atomiyom, nonna, is tûzenut à c'k' is porîne è rissatchî come « noviatés » d' adon èt, k' dès miyons d' razans après, on n' a nén co stî capâbes di røyèvanter. N' èst-ce nén po d' awè sogne di ça k' dès nwârs triyangles « visiteûs » ont fait tant d' survolâdjès di nût audizeû di nosse rèdjion i gn' a nén tant d' anêyes ? Faut-i tot d' minme dîre come Dèscartes : « *Dji n' voléve nén ariver à conclûre di tot ça ki l' monde a stî crèyé à m' môde ki dji l' avéve sitauré dissus l' tauve.* »

Gide n' a, li, nén manké di nos fé rimimbrer k' i n' nos *faut mauy confonde ricwêrâdje dèl vèrité avou l' ausse di cèrtitûdes* Mins ça n' tént nén aujîmint di scwêre : li pus pitit « C' èst Bén l' vrê, ça ! » dit d' avance (à priori), li pus tène conformisse hège, èt, bardaf, nos volà ritchèyus dins on fayé brouyârd.

Kwè pinser d' l' arandjemint⁹ ki *Djavé* avéve volu prinde avou Noyé di lî lèyî dins l' cièl si « *arbalète d' aloyance* » ? Èt si s' èstéve on satèlite (fuzêye, navète) di voyâdje, lèyî à toûrner autoû dèl Daegne, k' aréve co polu sièrvu à Noé (come à nos dêrins Walatlantideus¹⁰) mins k' i s' a ègadjî à nén à l' fé po « kiter » l' tère èt pèter èvoye. Èt si... èt si.. èt si nosse fauve ni vos done pont d' rèsponse, à vos di lès cwèri, d' awè l' ouy, lès orêyes èt l' keûr Bén au laudje, kand i l' faut.

⁸ Minme k' il a radjouté : "Habermas a dit dins Toudi d' 1990 à l' pådje 325 ki : "L' subtilité d' kwè èst fait on nén apougnâbe mostrâdje dès comons aloyâdjès èst loyî à c'k' on pout fé rèxhe dès d' avance suposêyès "simètrîyès" di riconèchance dins chake ake di comunikâcion – riconèchances d' onk à l' ôte ki polenut seûlmin rinde posîbe l' mërseûlité èt l' iènicité dès sociaus sudjèts – dèl vrêye morâle dès atokâdjès dès naturèls astokâdjès èt lès djènèralizer è riglatichantès fôrmes èt dins dès arandj-mints k' è nn' assûrenut l' vikance au moyin d' on institu-alizaedje dissus ène aspouye do drwèt." " Oufiti ! Volèz crwêre k' on a dit "amen" sins sayî d' **voye** pus lon ?

⁹ (in Gen., IX, 14)

¹⁰ Ki si sèrève di zèls èt d'leû fén ki Platon nos è cauze ?